



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

XC. Confirmatio Decreti Capituli Generalis Ord. Frat. S. Francisci
Cappuccinorum anno 1667. celebrati circa residentiam Definitorum
Generalium in Urbe.

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

rem sub Annulo Piscatoris die 10. Aprilis 1733. Pontificatus Nostri Anno Tertio.

F. Cardinalis Oliverius,

LXXXIX.

Ordini Fratrum Prædicatorum confirmatur facultas celebrandi Processiones Sanctissimi Corporis Christi, & Rosarii Beatæ Mariæ Virginis cum confirmatione Brevis Clementis VIII. & Benedicti XIII. quod declaratur.

Constitutiones hęc laudatas lege suo loco.

CLEMENS PAPA XII.

Ad futuram rei memoriam.

Dat. die eadem.

Causę eden- de hujusce declaratio- nis.

§. 1. Cum, sicut accepimus, etsi ex ipso tenore Constitutionis nostrę, tertio Kalendas Aprilis Anno Incarnationis Dominicę 1732., quę incipit Romanus Pontifex &c promulgatę, perspicue luculenterque appareat, per moderationem a Nobis inibi adhibitam nonnisi ad terminos juris redactam fuisse inter alia Constitutionem fel. rec. Benedicti PP. XIII. Prædecessoris Nostri, cujus initium est Pretiosus &c. Anno ejusdem Incarnationis Dominicę 1727. Septimo Kalendas Junii emanatam, ejusque declarationes, ac privilegia illa, gratias, favores, indulta, exemptiones, facultates, & declarationes, quę ibidem Ordini Fratrum Prædicatorum de novo concessa fuerunt; nihilominus aliqui Constitutionem nostram sinistre, ac secus, quam par est, interpretantes, plerasque lites & controversias Fratribus prædictis moverint in diversis locis ac tribunalibus, per quas privilegia & prerogativas, quibus iidem Fratres, priusquam ipsa Constitutio Benedicti Prædecessoris emanaret, ex aliis legitimis titulis & concessionibus Apostolicis potiebantur, aggredi & oppugnare adnituntur: dictusque Ordo præcipue veteretur occasione celebrationis duarum Processionum, publicarumque supplicationum, Sanctissimi nempe Eucharistię Sacramenti, ac Rosarii Beatę Marię Virginis, tamen illam Sanctissimi Eucharistię Sacramenti die Dominica infra octavam Corporis Christi a re. mem. Pio V. & Clemente VIII. Romanis Pontificibus Prædecessoribus Nostri juxta ejusdem Clementis Prædecessoris die 8. Martii 1597. alteram vero Rosarii Beatę Marię Virginis Dominica prima Octobris ab ipso Benedicto Prædecessore per suas die 10. Aprilis 1725. in simili forma Brevis respectively expeditas literas; necnon declarationem die 18. Julii 1726. desuper editam, quotannis peragendi facultas eidem Ordini diserte indulta fuerit; adeoque ante memoratam Benedicti Prædecessoris Constitutionem, in qua ejusque declarationibus Ordini prædicto nihil amplius circa duas Processiones præfatas tribuitur, quam quod jam antea per eosdem Pium, Clementem, & Benedictum Prædecessores attributum fuerat; Et quia mens & intentio nostra non est, nec unquam fuit, gratis, indultis, exemptionibus, & privilegiis, dicto Ordini Fratrum Prædicatorum ante enarratam Benedicti Prædecessoris Constitutionem concessis, præsertim respectu duarum Processionum hujusmodi, aliquod vel minimum generare præjudicium; Hinc est, quod Nos lites & controversias præfatas e medio tollere, earumque occasionem, & quodvis aliud in præmissis impedimentum submovere cupientes; necnon Ordinem & Fratres prædictos specialibus favoribus & gratis

prosequi volentes, ipsorumque Fratrum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes & absolutas fore censentes, supradictas Clementis, & Benedicti Prædecessorum literas, editamque ab eodem Benedicto Prædecessore declarationem quoad duas Processiones, publicasque supplicationes præfatas cum omnibus & singulis in eisdem literis & declaratione dispositis & contentis, auctoritate Apostolica harum serie approbamus, confirmamus, & innovamus; illisque inviolabilis Apostolicę firmitatis robur adjicimus, ac illa deinceps exacte observari, atque executioni demandari, eadem auctoritate tenore præsentium præcipimus & mandamus.

Præfate con- cessiones con- firmantur.

Claufula.

§. 2. Decernentes, præfatas literas semper firmas, validas & efficaces existere & fore, suosque penarios & integros effectus sortiri & obtinere; ac Ordini & Fratribus prædictis, aliisque, ad quos spectat & pro tempore spectabit, in omnibus & per omnia plenissime suffragari; sicque in præmissis per quoscumque Judices ordinarios & delegatos, etiam Causarum Palatii Apostolicę Auditores, ac Sanctę Romanę Ecclesię Cardinales, etiam de Latere Legatos, Sedisque Apostolicę Nuncios, aliosque quoslibet quacumque præminentia & potestate fungentes & functuros, sublata eis & eorum cuiilibet quavis aliter judicandi & interpretandi facultate & auctoritate, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

Fides Tran- sumptorum.

§. 3. Non obstantibus præmissis, ac Constitutionibus & Ordinationibus Apostolicis, necnon omnibus & singulis, quę in Clementis, & Benedicti Prædecessorum literis & declaratione præfatis concessa sunt non obstante, ceterisque contrariis quibuscumque.

§. 4. Volumus autem, ut præsentium literarum transumptis seu exemplis, etiam impressis, manu alicujus Notarii publici subscriptis, & sigillo personę in Ecclesiastica Dignitate constitutę munitis, eadem prorsus fides ubique locorum tam in judicio quam extra illud habeatur, quę ipsis præsentibus haberetur, si forent exhibitę vel ostensę.

Datum Romę apud Sanctam Mariam Majorę, sub Annulo Piscatoris die 10. Aprilis 1733. Pontificatus Nostri Anno Tertio.

F. Card. Oliverius,

Confirmatur Decretum Capituli Generalis anno 1667. celebrati ab Ordine Fratrum Sancti Francisci Capuccinorum circa residentiam Definitorum Generalium in Urbe.

XC.

CLEMENS PAPA XII.

Ad perpetuam rei memoriam.

Dat. die 6. M. ji 1733. Pont. An. III.

Pastoralis officii, quod auctore Domino gerimus, sollicitudo Nos admonet, ut Christianifidelium, qui e fluctibus sæculi in arctioris Religionis portum confugerunt, salubri regimini, quantum Nobis ex alto conceditur, proficere jugiter studeamus.

Exordium.

§. 1. Dudum

1733.
In dicto
Capitulo Ge-
nerali func-
tum, ut Def-
initores
Gen. Romæ
residerent.

Quod a
Clemen. XI.
confirmatum.

Sed cum
parum utque
adhuc fuerit
observatum.

Ac grave
hinc univer-
so Ordini
profecum
fuerit præ-
judicium.

§. 1. Dudum siquidem occasione Capituli Generalis Ordinis Fratrum Minorum Sancti Francisci, Cappuccinorum nuncupatorum, anno 1667. in Alma Urbe nostra celebrati, inter alia plurima decreta pro felici dicti Ordinis gubernio cum consensu & approbatione omnium Vocalium in eo congregatorum facta & stabilita, expresse statutum ac ordinatum fuit, quod Definitores Generales ejusdem Ordinis in Urbe præfata residerent, quibus pro urgentibus & gravioribus negotiis Religionis, communis foret commissio generalis facta Procuratori Generali per Ministrum Generalem, ita ut procederent insimul & conjunctim usque ad Capitulum Generale Ordinis hujusmodi; ac postmodum omnia & singula decreta præfata per relationem bon. mem. Hieronymi, dum viveret, Sanctæ Romanæ Ecclesiæ Cardinalis Farnesii nuncupati, dicti Ordinis apud Sedem Apostolicam Protectoris, a fel. rec. Clemente PP. IX. Prædecessore Nostro approbata & confirmata fuerunt, prout in ipsis Clementis Prædecessoris literis, desuper in simili forma Brevis die 9. Septembris ejusdem anni 1667. expeditis, quarum tenorem præsentibus pro plene & sufficienter expresso & ad verbum inserto haberi volumus, uberius continetur.

§. 2. Cum autem, sicut Venerabilis Frater noster Franciscus Episcopus Ostien. & Velitern. Sanctæ Romanæ Ecclesiæ prædictæ Cardinalis Barberinus etiam nuncupatus, Ordinis præfati apud Nos & eandem Sedem similiter Protector, Nobis nuper exposuit, enarrata ordinatio seu dispositio circa Definitores Generales nusquam, vel parum huc usque observata fuerit, & quod ipsi Definitores assueti vivendi rationi, ac moribus in suis provinciis vigentibus, & ad illos Urbis præfatae agre se se accommodantes, procurabant, facileque obtinebant a Romanis Pontificibus Prædecessoribus Nostri licentiam revertendi in proprias Provincias; unde factum est, ut omnis discussio ac definitio negotiorum majoris momenti dicti Ordinis fere semper sita esset in arbitrio solius Ministri Generalis pro tempore existentis, vel Procuratoris Generalis, qui absente eodem Ministro Generali deponatur juxta consuetudinem ejusdem Ordinis in Commissarium Generalem, pro Ultramontanis, si Minister Generalis in Italia, Italicis autem Provinciis, si ultra Montes extiterit; experientia vero compertum fuerit perniciosum, ac rationi minime consentaneum esse, quod Superiores sive Prælati majores dicti Ordinis desistantur ope & auxilio, quæ accipere possent a Diffinitoribus Generalibus præfatis, a quibus, utpote gnaris rerum ac morum suæ nationis, multum juvari possent ad negotia certius maturisque definienda: minusque deceat, officium dictorum Definitorum Generalium prope otiosum & inutile jacere contra mentem Constitutionum, & antiquam Ordinis prædicti observantiam; ac proinde dilecti filii modernus Minister, & duo Definitores Generales, in Urbe præfata de presenti existentes, unâ cum aliquot aliis præstantibus, ac ætate provectoribus Religiosis ejusdem Ordinis, coram ipso Francisco Episcopo Cardinali congregati, unanimiter censuerint, aliquid huic rei remedium, antequam in Capitulo Generali dicti Ordinis propediem celebrando electiones fiant, adhibendum fore. Quare memoratus Franciscus Episcopus Cardinalis Nobis humiliter supplicavit, quatenus in præmissis opportune providere, & ut infra indulgere de benignitate Apostolica dignemur. Nos igitur ejusdem Francisci Episcopi Cardinalis votis, quantum cum Domino possumus, favorabiliter annuere volentes, hujusmodi supplicationibus inclinati, supradictam

ordinationem seu dispositionem in Capitulo Generali anni 1667. quoad Definitores Generales editam, ut præfertur, & prout illam concernunt Clementis Prædecessoris literas præfatas, auctoritate Apostolica tenore præsentium confirmamus, pariter & approbamus; & quatenus opus sit, innovamus, illisque perpetuæ ac inviolabilis Apostolicæ firmitatis robur & efficaciam adjungimus. Præterea volumus atque statuimus, quod ipsa Commissio Generalis, procuratori Generali impertiri solita, imposterum ab eo in urgentibus & gravioribus negotiis Religionis unâ cum dictis Definitoribus Generalibus simul & collegialiter unitis exerceatur: quodque hoc Definitorium, cui communis erit Commissio Generalis, bis saltem qualibet hebdomada congregari debeat cum eodem Procuratore Generali, qui illius congressibus præsideat, pro definiendis hujusmodi negotiis urgentibus & gravioribus pro tempore occurrentibus, quæ tam a Procuratore Generali, quam ab unoquoque ex Definitoribus Generalibus præfatis proponi possint, & in casu cujusvis inter eos discrepantiæ procedatur per secreta suffragia, quemadmodum in Definitorio Generali servatur; Si quis autem ex Definitoribus Generalibus prædictis in Urbe residere nolit, aut propter aliquod legitimum impedimentum non possit, privatus remaneat omnibus privilegiis & prærogativis, quibus uti Definitor Generalis hujusmodi poterat: & tunc per ipsum Diffinitorium Generale cum consensu Ministri Generalis alius Diffinitor Generalis, ex eadem tamen natione, eligatur, & in illius locum cum iisdem privilegiis & prærogativis substituatur ac subrogetur, ut Definitorium semper integrum sit, & completum. Insuper ut dicti Diffinitores Generales eo magis invitentur & alliciantur ad residendum in Urbe præfata, quod operam suam obsequiis propriæ Religionis, ejusque negotiis tractandis ac decidendis impensius addicant, & continuo navandam fore cognoverint: Nos inhærentes ejusdem Ordinis Constitutionibus, quibus præscribitur, recursum & appellationem interponendos esse gradatim a Guardianis ad Ministros Provinciales, & ab his ad ipsum Ministrum Generalem ejusque Definitorium, antequam causæ & lites ad alia Tribunalia extra dictum Ordinem deferantur, omnibus & singulis Romanæ Curie Tribunalibus, Judicibus, Officialibus, & Ministris, ac quibusvis etiam Venerabilium Fratrum nostrorum ejusdem Sanctæ Romanæ Ecclesiæ Cardinalium Congregationibus, ne istiusmodi causas & lites recipiant & recognoscant, nisi juxta modum superius expressum in dicto Definitorio Generali prius agitata & definita fuerint, sub poena nullitatis actorum, & quoad Religiosos recurrentes seu appellantes, qui præmissis contraverint, sub gravibus nostro & Romani Pontificis pro tempore existentis arbitrio infligendis pœnis, auctoritate præfata harum serie prohibemus.

§. 3. Decernentes, ipsas præsentis literas semper firmas, validas, & efficaces existere & fore, suosque plenarios & integros effectus sortiri: & ab illis, ad quos spectat & pro tempore quodcumque spectabit, inconcusse observari, iisque respective plenissime suffragari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis, ac Ordinis præfati, alivis quibusvis, etiam juramento, confirmatione Apostolica, vel quavis firmitate

Innovatur
ac observari
præcipitur:
adjectis
etiam non-
nullis aliis
statutis com-
mune Ordinis
bonum respicientibus.

Clausula
pro firmitate
harum Lite-
rarum.

Cum con-
trariorum
derogatione.

alia

alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis, Quibus omnibus & singulis, illorum tenores præsentibus pro plene & sufficienter expressis ac ad verbum insertis habentes, illis aliàs in suo robore permanfuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

§. 5. Volumus autem, ut præsentium literarum transumptis seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem prorsus fides ubique locorum tam in judicio quam extra habeatur, quæ ipsis præsentibus haberetur, si forent exhibitæ vel ostensæ.

Datum Romæ apud S. Mariam Majorem sub Annulo Piscatoris die 5. Maji 1733. Pontificatus Nostri Anno Tertio.

F. Card. Oliverius.

XCI.

Confirmatur Chirographum Benedicti XIII. super augmento assignationis annuæ Votantibus Signaturæ Justitiæ factæ.

C L E M E N S P A P A X I I .

Ad perpetuam rei memoriam.

Dat. die tr.
M. j. 1733.
Pont. An. III.

Exordium.

Singularis dilectorum filiorum Collegii utriusque Signaturæ Nostræ Referendariorum in Nos & Apostolicam Sedem fides & devotio, necnon assidui graveque labores, quos sustinent, promerentur, ut ea, quæ ad illorum favorem ex dictæ Sedis munificentia processerunt, quò inviolabili juxta mentem & intentionem Nostras roboris firmitate perennent, & nemini desuper quovis prætextu & ex quacumque causa dubitandi occasio locusque relinquatur, Apostolici muniminis præsidio constabiliamus.

§. 1. Aliàs siquidem fe. re. Benedictus PP. XIII. Prædecessor Noster annuam duorum millium sexcentorum scutorum monetæ assignationem super redditibus & proventibus Dohanæ Cameræ Nostræ Apostolicæ, tunc suæ, præter scuta mille ducenta similia a re. me. Innocentio PP. XII. Prædecessore pariter Nostro eidem Collegio assignata, nempe quingenta scuta paria tunc & pro tempore existentem Decano, necnon scuta trecenta ejusdem monetæ cuilibet ex Votantibus Collegii hujusmodi, singulis annis anticipare persolvenda, cum jure accrescendi in casu deficientiæ alicujus ex prædictis Votantibus, adauxit, & aliàs, prout continetur in Chirographo ab eodem Benedicto Prædecessore die 24. Septembris 1725. emanato, & ipsius manu subscripto, ac Ven. Fratri Annibali Episcopo Sabinen. S. R. E. Card. Albano, Sancti Clementis nuncupato, ejusdem S. R. E. Camerario, directo, necnon in executionem Edicti jussu nostro publicati in dicta Camera registrato, tenoris, qui sequitur.

*Reverendissimo Cardinale S. Clemente
Camerlengo.*

Avendo Noi piena notizia delle gravi e continue fatiche, che sostiene il Collegio de' Votanti della Segnatura di Giustizia in tutto il corpo dell'anno, e particolarmente nell' estive Congregazioni solite tenerli nel nostro Palazzo Apostolico: e volendo per maggiore rimunera-

zione delle medesime accrescerli l'annuo assegnamento di scudi mille duecento moneta fattogli dalla fa. me. d'Innocenzo XII. Nostro Prædecessore con suo Chirografo in data de' 30. Settembre 1693. ad altri scudi due mila e seicento, di modo che complessivi i detti scudi 1200. siano in tutto scudi tre mila ottocento moneta, non solo per dargli questo contrasegno del nostro Paterno gradimento, che per animarli vie più a proseguire con diligenza ed attenzione l'esercizio laborioso della lor carica ed amministrazione della Giustizia. Quindiè, che di Nostro moto proprio, certa scienza, e pienezza della nostra potestà Apostolica, avendo nel presente nostro Chirografo per espresso il detto assegnamento di scudi mille duecento moneta l'anno, fatto dal predetto Innocenzo XII. ed ogn'altra cosa necessaria ad esprimersi, ordiniamo a voi, che in nostro nome, e della nostra Camera delle rendite e proventi delle Dogane di Roma, accresciate, siccome Noi accresciamo, al Collegio de' dodici Votanti della Segnatura di Giustizia di detto annuo assegnamento, oltre li suddetti scudi 1200. altri scudi due mila e seicento, che in tutto costituiscono la somma di scudi tre mila ottocento, da ripartirsi, cioè, scudi cinque cento annui al Decano, e scudi trecento annui agli altri undici Votanti anticipatamente, con ordine di detto Decano, nel principio di ciaschedun mese: di modo tale, che il Decano pro tempore abbia scudi duecento di più degli altri, ed il rimanente si divida egualmente ed anticipatamente tra loro nel principio di ciaschedun mese, compresi ancora il Decano, col jus accrescendi proporzionabilmente in caso di vacanza di qualche luogo in detto Collegio, incominciando dal primo del corrente mese; e per l'effetto suddetto spedirete mandati, e darete tutti gli ordini, che stimarete necessarij & opportuni, acciò con li denari e proventi delle suddette Dogane si paghi il predetto annuo assegnamento così accresciuto alli detti dodici Votanti, loro Decano, vice-Decano, Camerlengo, o altro loro Procuratore, essendo tale la mente e volontà nostra espressa, volendo e decretando, che il presente nostro Chirografo, benchè non ammesso nè registrato in Camera, abbia il suo pieno effetto, esecuzione, e vigore colla semplice nostra sottoscrizione, non ostante la Bolla di Pio IV. de Registrandis, e qualsivoglia altra Bolla, Costituzione, o Ordinazione Apostolica, emanata a favore della nostra Camera, suoi Ministri, ed Officiali, e qualsivoglia altro uso, stile, statuto, riforma, consuetudine, Decreto, anche Concistoriale, ed ogni altra cosa, che facesse, o potesse fare in contrario, alle quali tutte e singole per questa volta solamente, ed all'effetto suddetto pienamente ed amplamente deroghiamo.

Dato nel Nostro Palazzo Apostolico di Monte Cavallo questo dì 24. Settembre 1725.

BENEDICTUS PP. XIII.

§. 2. Nunc autem Nos firmiori præmissorum omnium & singulorum robori & efficacia, quantum cum Domino possumus, providere, dictosque Votantes specialibus favoribus & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes & absolutas fore censentes, Motu proprio, ac ex certa scientia, & matura deliberatione nostris, deque Apostolicæ potestatis plenitudine, Chirographum præinfertum, omniaque & singula in

Adjecta-
que Tran-
sumptis fide.

Assign. Vo-
tantibus aliàs
ab Innoc.
XII facta per
Bened. PP.
XIII. 2600.
Ducatis au-
cta.

Tenor Chi-
rographi ab
eodem Pon-
tificæ dati.

Confirmatur.